



Claudii Fleurii Abbatis Historia Ecclesiastica

Ab anno Christi 1572 usque ad annum 1581

Fleury, Claude

August. Vind. [u.a.], 1772

VD18 90118642

§. 90. Montluci oratio in comitiis pro futura electione Varsoviæ celebratis.

[urn:nbn:de:hbz:466:1-67232](#)

Sæcul. XVI. scopi importunitatibus sese eximeret,
A C. 1573. nunquam tamen de Andegavensi Duce
 ad hoc regnum evehendo cogitasset, si
 Cæsarem suum Vitricum pro Ernesto
 Archiduce Filio suo hanc coronam pe-
 tiisse scivisset, ac propterea, ut illius
 electionem magis expeditam redderet,
 Rex Montlucum quantocius revocare
 statuisset. Verum utriusque epistolæ
 falsitas postea detegebatur.

§. XC,

*Montluci oratio in comitiis pro fu-
 tura electione Varsoviæ
 celebratis.*

*Thuan. l. 56.
 pag 951.
 Gratian. in
 vita Com-
 mend. l. 4.
 cap. II.*

Postea Valentinensis Episcopus elo-
 quentem juxta, ac solidam concin-
 nabat orationem in comitiis pronun-
 tiandam, qua Polonorum animos effi-
 caciter persuaderi sperabat: ut vero
 hæc oratio a pluribus intelligi posset,
 illam ex latino in Polonicum idioma
 transferri, ac Cracoviæ imprimi cura-
 bat, ipsus autem inde Varsoviam con-
 tendit, quo etiam Hispaniæ Legatus
 venerat, Archiducis partes propugna-
 turus.

Porro hæc comitia, ad quæ triginta
 Nobilium millia confluerant, in sat
 ampla planicie sub tentoriis celebrata
 fuere, atque hujus universalis congrega-
 tus pro electione habendi dies præfige-
 batur

batur quinta Aprilis anni post Christum natum millesimi quingentesimi septuagesimi tertii. Ibidem invocato Spiritus sancti auxilio haec faneita fuerant. I. Exterorum Principum audiantur Legati, & Orationum ab eis habitarum exemplaria triginta duo, tot enim erant provinciae, seu Palatinatus, tradantur, II. Palatinorum quis ad suae provinciae nobilitatem has orationes deferat, III. præcipuis aliquot Senatoribus injungatur, ut singularum petitionum, quas Oratores proposituri essent, merita discutiant, atque sincere congregatis cuiuslibet competitoris prærogativas, dotesque exponant, unacum utilitatibus, & periculis, quæ ex eorum electione oriri possent. IV. his peractis, a Senatoribus, & universa nobilitate suffragia exquirantur, & in quem universi totius Regni Ordines, consentientibus inter se judiciis, convenirent, is legitimus Rex habeatur. Evidem ab initio Senatorum votum erat, ut prius de legibus, & statutis condendis ageretur, & tum ad electionem procederetur, propterea Protestantes, qui apud Polonos Evangelici dicuntur, petebant, ut non tantum per statuta Sectæ suæ securitati cavetur, sed etiam is, qui in Regem eligendus est, illos nullis legibus adversus

Sæcul. XVI.
A.C. 1573.

K 3 fidei

Sæcul. XVI. fidei Catholicæ desertores in Polonia
A.C. 1573 stabilitis subjicere, nec contra eos pænis, ac suppliciis agere posset, quinimo cuiilibet liberum sit, quamcunque is opinionem voluerit, tueri, ac pro suo arbitrio cultum, dummodo honestum, Deo tribuere valeat. Verum Gnesnensis Archiepiscopus Cleri, ac Senatus princeps, ne non ceteri omnes Senatores Catholicæ temerario huic petito acriter fese opponebant, declarantes, nihil se quidem contra Evangelicorum libertatem facturos, imo potius omnia passuros, quam ut ob eam caussam ad bellum civile deveniretur: sed idem periculum subesse demonstrabant, si concessa conscientiarum promiscua libertate, etiam publicis edictis firmata, porta sectis, & omnis generis monstrosis opinionibus aperiretur.

§. XCI.

Cardinalis Commendonus in comitiis auditus.

Thu. l. 56.
p. 952.
Gratian in vita Com-
mend. l. 4.
c. 10.

Cum ejusmodi contentiones rem in longius protraherent, metusque effet, ne ob nimiam dilationem Nobilitas sumptibus hanc in rem faciendis, ne non longioris moræ tædio gravata interim dilaberetur, hinc Montlucus tandem obtinuit, ut præprimis Legati audirentur, ex quibus prior verba fecerat